

寒碧詩

宣龔題



溫州市圖書館藏

寒碧軒詩

黃葆戉



温州市圖書館

75.44
索书號碼 4462

登記號碼 09903

共1冊

寒碧軒詩

共 1 冊 存 1 冊 排架号

00174

侯官林寒碧墓表

侯官林寒碧景行既歿之五年其婦崇德徐小淑蘊華
乞爲文表其墓按狀君諱昶字亮奇一名景行寒碧其
別字也家世仕宦君生而聰穎九齡隨官羊城卽通經
史能文章已翕然有神童之譽矣年十三負笈來滬瀆
尋以母喪旋閩十七東渡海留學嵎夷迄八稔始歸國
值義師起武昌奔走戎幕間頗著勞勩有女兄陷重圍
中躬冒矢石出之其天性友愛蓋有如此者桃源宋公
長農林部禮聘爲祕書尋入衆議院民國二年贛寧事
敗袁世凱弑國會君避地走遼東數載如管幼安之依

寒碧墓表



寒碧



公孫度也五年夏世凱死復南歸居滬濱八月七日夜
赴友人招行馳道中出不意爲英吉利賈胡克明汽車
所輟殞焉春秋僅三十耳悲夫余始識君在同邑陳巢
南去病賓坐時君方自嶠夷乞假歸而巢南以病瘍就
醫滬上君婦蘊華其弟子且實任蹇脩故爲料量醫藥
備至余庸是重君別後走越走胡弗獲以時見卽見亦
匆匆立譚數語而已尠有啣杯接席之雅也洪憲僭號
夜郎兵起義旅且定兩浙獨袁氏梟首馮國璋踞江南
不下而余所居邑吳江實介兩行省間舉足能輕重吳
越邑人殷恭王因以水師反正巢南亦潛甲謀襲吳越

意謂得此一震動則長江可圖矣會爲馮酋抗義所敗
余亦避兵走滬顧偃蹇勿欲聞時事其後獨夫殞和議
成余益絕望知復蹈辛壬故轍矣時君方掉鞅文壇風
發泉湧議論不可一世故其致余書引王荆公如何咫
尺商於地便有園公綺季間句蓋以陰諷余而余沈機
觀變謂天下事終不可爲遂浩然旋里杜門弗復出不
數月而君訃音至矣背辰涉申大亂屢作追念生平謔
浪之詞遂成家國滄桑之涕伊川被髮知赤縣之爲戎
萇叔違天埋碧血而猶視又豈獨撫黃墟感向笛而已
哉故於蘊華之請也弗辭而爲之表俾鑱諸石慰君靈

余病漸瘳君亦東渡不相見者數載辛亥光復
君乃挈眷來余吳門寓廬與談中國時局頗相
印合旋即之滬之燕睽違者又年餘及余北遊
乃復相敘看花古寺賦詩金臺一時稱至樂焉
今年余在杭州君亦南歸恆與聚處於西湖之
上其樂視在燕時尤倍徒方謂自今以往可與
卜築湖山一舸終老烏乎孰意暫焉之別而君
遽遭橫死耶君之死於夜分且爲歐人汽車所
傷遂致猝殞轅下文園有言禍多藏於隱微而
發於人之所忽豈不然哉小淑才高遇蹇聞耗

哀號誓欲身殉余雖至厚亦無以慰之因效楚
些之詞以招亮奇之魂而哀之曰

翳佳人之信修兮森玉樹之琳瑯交十年而益契兮儼
蕙蘭之芬芳何有才而無命兮等顏回之蚤殤起羌胡
於轂下兮竟破腹而裂腸知一靈之難昧兮終眷眷於
家邦抑被髮而爲厲兮擊仇讎使自戕烏乎哀哉命不
可贖兮其孰奈此三良也惟孤嫠之用恤兮庶有以慰
夫九京也烏乎哀哉言有盡而意無窮兮將及吾身而
難忘靈在天而昭鑒兮視茲文其毋傷

寒碧詩題辭
林亮奇彌甥挽詩
侯官沈瑜慶愛蒼

寒碧詩題辭

林亮奇彌甥挽詩

侯官沈瑜慶愛蒼

北海薦禰生中郎迎王粲但自賞俊才遑復計長算體
弱未爲慮相孱亦可換况秉玉立身懸作鐵幹腕述學
逾十年豁然通一旦派別費調停朝夕抒論斷畏道方
叱御窮險且推按豈有九衢通遂成一蹶歎祚善無主
宰遷流聽浩漫昨攜推敲詩要我甲乙竄出門便長往
訣題僅得半羸老虛倚望嫠稚待炊爨李生哀康出
與拔可我亦憐嵇鍛好學今則無銜冤誰并案舊稿檢
寒碧詩題辭

叢殘老淚蓄日吁百年亦幾何惜此團沙散

哀寒碧

山陰諸宗元貞壯

昨游猶踏隔湖山歧路真成痛哭還壯歲胡為俄頃別
雄心不耐病時閒可憐篋笥存衣汗君有遺衣存余篋想見車
茵濺血斑昨與張君勸陳佩忍同弔語不隨兒女作哀
姍

欣

不

寒碧軒詩

西湖雜詩

侯官林景行

亮

綠萼初胎三兩花為誰題寄阿香家湖亭鎮日縈搜索

選取宋莊纔發芽

絳蠟盈盈初著花坐才攀折興猶奢怎將染上壽陽額

點遍西湖十萬家

白公堤柳漸成圍和靖山梅却趁歸劇念孤山最瘦峭

詩人無語酒人稀

七年不折白瑤花曲徑尋來意正賒儘把湖樓比官舍

海南多樹諒饒葩

停舟暫過鳳林寺土蝕花青祇漫分儘有書生憂時意
不教冤魄鎖秋墳

孤憤難銷坐此才跨驢我更愧重來翠微亭上無多語
但道岳侯初怎回

千紅萬紫總妍清燕子重簾隔莫嗔一徑楊花三十里
可會題句到楓人

西泠橋下水紋漪荷葉靈根可託移縱有朱家舊貂筆
不勞重寫斷腸詞

柳秧桃蕊輾清明結束芳菲要有情安得湖山承平日



08174

畫圖攜我討春行

莫便渠儂愛晚晴瓜皮漾水去盈盈西湖圖畫杭州語
占得人間幾分清

便向場花約買鄰前身恐是石函人未妨茶竈沾秋諾
宜傍水仙祠晚神

學來喁語未娉婷二字用俚語滴滴真羞貼口瓶百舌枝梢
應笑我淺根怎得廣長靈學吳語纔兩月

百無情緒奈愁何客裏光陰一刹那懶向綺窗尋舊夢
綠陰庭徑已無多

平生也愛話蘇州怎值持山上此樓在樓外樓柳徑前頭傳

畫去梅坊坐裏挾詩遊

蘋庵招遊蘇州不就却寄二首

桃蹊柳塢白相相索得詩來趣自長誰念少年暫飄忽
抽簪不顧引迴腸

我親漚鷺暫清閒薄領荷花約買山石戶農時來更好
權扉西去是禪關

綠陰短汝無多壽絳雪宜儂掩映姿莫恨生來只孤絕
扶持應有歲寒枝

未應運蹇羞松甲總訝愁多損石衣一面北風無厚薄
爲誰寒瘦爲誰肥

喜君蟬詠故清新感我鷗盟未著親今日客窗同淪茗



他年湖舍許陪鄰

欲別渡頭楊柳青枝枝葉葉奈離情小山詞令君休唱
一權何堪聽曉鶯

送小淑歸語溪

扇篷葉葉認蘇州舊客初經語水舟岸柳不知渠意懶
尚搖冶翠助清愁

河流樹色底藍斑映帶衫痕借眼看端恐風前故無語
渾情澁笑甯爲歡

病中書狀和小淑原韻

沈瘦容成憐我情頻年憂患意常驚風臨玉樹亭亭影

雨損紺花簌簌聲惶記兒愁添素鯉誰堪客病似雛鶯
更加珍重知心語檢點巾紗眼淚盈

憶東京櫻花疊前韻

剪衣易動暖暄情鏡裏流年祇暗驚三蓋銀樓憑作意
四圍錦帳不聞聲喧喧車馬鬧櫻柳碗碗風光轉燕鶯
又是東都花事好倭娘盤粉託輕盈

東渡和寄塵姊元韻

王良蹇策轡如絲萬里江山駐足遲忽被洪風吹馬首
劇驚巢卵倚標枝
南歸袖手對江樓宿業堆山漫不收更有頻年龍戰感



却從倦客睠神州

心殘皖水千層浪日觸西陵十丈雲螻蟻負山寧舍我

駝蛩背水獨持君

雪羽衝風掠翠鬢指戈殘日往猶還但憑萬壑爭流去

他日終煩顧越山

寄小淑吳江

吳江萬頃幻汎瀾

時適吳江水災

遞到家書未忍看婉轉不提

兒女怨鴛鴦容易鳳麟難

無端圓月負今宵別恨難從酒半消安得鴟夷浮一舸

郎吹蘆管妾吹簫

世無可語總幽癡冷淡休嫌不入時說向吾鄉誰好似
樺清詞卷崦樓詩

輞川詩句漫矜誇尚有旁人愛浣紗待到赤松歸約後
藕花深處是儂家

壽園大舅招飲乍浦路東樓卽席得長句並呈姊
丈苴兄絳生

雪簷初消冰泱泱坐感新亭共寒夕逸齋主人詩興高
喚客登樓恣明月平昔風流殊未歇賴遣雙鬟寄愁絕
姬隅石髮烹始新牛鳥銀葱炙猶醇飲酣敬眠意有別
終擬壚邊笑唐突難凭酒眼定妍媸宛許詩歌出吳越



不

梅粉飄蒞柳含茁客來漫賦凌波襪苴山谷水仙詩少緣
軟語苦留歸江岸車聲遲不發

崇效寺牡丹和衆異元韻

難追獯獠性微聞佛境花光翠半分細葉徧看驚繭栗
長波往記惜殘雲丁未春與淘芙柘焦探花探尋獨襯
亭軒艷調護應添幪幙薰不是約齋舊遊客迴車也動

思氤氳

五月十一夜聞歌觸賦

一笑誰家好酒邊韶陰如水坐年年月光燈氣奇離夜
鬢影衣香淡宕天欲買胭脂供絕豔難拚絲管壓繁妍

座中儂亦江南客怕聽蕭蕭暮雨前

題畫

絳雲吹出紫雲根巢燕依微認舊痕誰禁玉釵敲不斷
去隨幽夢覓溪源

事神日夕睡起繞籬愴念歸而有作

籬落花已黃病蟲帶寒意北來客亦秋刺景滿淒異眼
中數舊遊一一皆哲萎獨余孱藐躬豈爲天所畀江山
互故版此命殆誰寄覺來却失笑不攬范生轡勤民庶
云教劃地可求治能窮竟年力自接四海氣寓書與劉
子措答應不貳昏燈且校篇蠻語待強記造成巴哲談



吾學或足試

江亭暝過偕浚南

初賺暝月上煙蕪漸覺寒聲出敗蘆鐘響忽收天外寂
僧形如向物邊孤但憑目力千鴻盡偶吐詩情二客無
徙倚樊川真一笑鬢絲禪榻定誰吾

聽永見眎新篇次韻却答

昔人高餓顯西山采薇詩此義久已湮士林嗟式微感
子豪傑懷四海猶凌遲我吟匪簞壺何以迎王師正雅
止不作反騷茲爲宜百篇自風發讀之悽肝脾作者日
以衰亡羊遭路歧指道固無轍步趨安可離君筆有神

助辛苦將焉辭向來擬謝柳憤懣過韓非有學乃不用
何物當刑答况非治亂才敢與聖任期

旅行即目

掛眼秋曦葉葉黃橫窗散袖作微香離人已覺邊寒重
居女何知物感長小閣攤書容且坐麤粢張飯待初裝
勞生未入駝行地到此應稱雁斷鄉

重過鬯春堂感舊

北府論文會已非西山載酒約仍違寫憂只剩黃墟在
感舊難任向賦悲一去湘波寧返櫂再來松樹倏成祠
涼風天末今誰語霜葉林梢又及時



不
可

宋碑酌後得真長書知珮忍已歸松陵感寄一首

斗酒來過敢欠期生存華屋亦含悲鄉山桂老吾難隱
江國尊寒子可思似許流人仍跌宕竟成殘客尙猜疑
平生獨往尋碑地一諾應辜掛劍時

宋欲約陳北來未竟

感事書賈復傳後

平生獨喜賈君文剽甲敦書不伐勳生故能逢以時貴
死猶可復豈名聞昏因兒女言滋重爾汝君臣義未分
極目西江想焦土更誰着感到新墳

亞廬屬題分湖舊隱圖冊

冥心孤往不知還幾曲秋蘆水幾灣安得從君借漁具

一家擢月去潺潺

未是風塵拋我時君曾隱處我題詩溪山儻許旁人汗
猿鶴還應倦客疑

題仲可叔純飛館填詞圖卷

早從京國擅新聲晚向吳疆發古情半壁江山餘蕩落
一家詞賦共崢嶸

花農叔有玉珂集

追陪獨媿姜生後傳誦應

令雪水清更比梅花添韻事不教畫扇羨風行

湖濱新闢吳山路泊橈晚眺有寄家人

盪晚湖光逐暮橈側聞謳管更蕭蕭游人爭說家山好
歸到家山意未饒



散綠飄紅遶四村夾林燈火欲黃昏眼中新看吳山路
說與離人總斷魂

黃鵠山石臺偕王文東暝天話舊慨然有作

向來與子登臨意緬付秋風作一吹海上孰吟人亦老
闌前對立客還稀李郎才氣殊吾羨葉女風流未可思
懶喚紅巾搵新淚稼軒悽惻絕哀時

從北高峯下韜光庵外石橋倚闌看竹

陰峯千轉此凭闌萬竹參天俯一寒絕憶扶持噤無語
當時猶作畫中看

泛湖口占示貞長

晚風翼翼浪吹衣涼水鱗鱗翠入微借與詩人隨一舸
枕流看樹澹忘歸

君勸志先青來東蓀邃辛同約山遊過雲林君勸
先歸飯後步登韜光衆客俱憊余與邃辛徑上
北高峯下瞰竹逕諸方

水遊已盡愛山遊得得藍輿午未休來冒雲光銷短氣
去隨嵐翠雜清流儲糧坐使羣猜釋告策甯知獨返謀
更向北峯凌絕頂俯窺層竹渺千籌

四月十二日薄曉泛湖憩北亭凝感有紀

凌晨沂團流展棹覓清異連陂徑蜿蜒蔽築林羅綺遙



不

峯隱凝思滑磴阻洊至澗曲越潛響橋迴滿空翠須臾
光景開彌覺山水膩宿霧破參差新日出明媚涼煦雖
倏遷升沈豈異企傲情總在墳麗想媿入寺暝如苔蘚
光靜得鐘梵氣仙藏不可通悠然假夢寐

歸西湖賦像生牽牛花感舊

北睽寒星收冉冉南瞻芳露泫垂垂眼中攜手凭闌處
年事凝妝向暝時

鑄夫味生雨樵諸君子召讌圖書館樓背山面湖
極饒草樹之盛

枕擢赴嘉招對樓資小凭層峯俯深眇宏宇羅青冥結

構豈造就消搖自始娉朝雲凝不散夏羽矯還輕連漪
揚輕颺嘉樹當列屏玫瑰溢芳氣素馨送微醒儼坐藹
清吐駢筵偕列星雖無肌鬢香亦動簧絲情按序已逾
屆宿意還當醒

籃輿長行數里草逕裏湖花篁入岫

俯郭趨十里迴湖俄已晴午陰鬱無喧蒸日時漏明峯
出朝靄散泉迷亂香生草逕往無際籃輿疑未行緋花
淫滴滴翠篠垂盈盈意會異探討耳目殊經營惜余病
微質未足當炎兵稍觸暄燠氣便苦拘墟情強振釋形
勸靜跌培神經還思早春際徐接羣芳清

仲可叔命題彤芬姨妹書畫遺冊

染淚送夕雲銜哀對殘山飄迷風後葉隱約烟中鬢理
盡愛難復神往悲自還瓊廂局綺戶碧壤粘青灣縈紆
歷夢寐俯仰窮躋攀病蕉凝瀋結啼蓮醉痕斑夏序未
逾越秋華已爛熳感茲連理意惜爾生時顏引悼寄山
水撫眷私嬌頑

君勸歸自柏林船牕相見共賞盆櫻欣然有贈

猛覺花枝照眼過歸來雲水對嵯峨閉門千見皆成窈
曠世一清無所呵國論森沈聽評剖人羣和煦入謠歌
三年我亦低徊客西睠冥思感浙波

明日歸湖上先示貞長

匝月市樓埋案書君看夜動苦誰如何因得遂湖西去
柳態荷薰獨起予

聞方止亭丈卒於海上哭之以詩

苦從憤世說安貧便許深居敵作辛渺渺神州歸此老
滔滔江漢待何人一生仁行殊爲貴今後狂言孰與親
別有無窮告祭意海天兒女暗沾巾

檢舊篋忽得芭芩兄所書絹箋把玩久之題此爲

寄并示釋堪

古書書法絕深嚴筆後意先羅衆有近人下筆主流動



一往行間每自負詎窺意態出澹定可遺規模去宏厚
當年石室信有傳勿信人間非受授疾風橫雨出臨川
近代更有海藏叟兄亦躡步渺追蹤合向都門看聖帚
書家變法微可玩豈必區區範徐柳近聞閉戶殊整暇
木石山中盡黑否兄書標置早成體比似安西歎高手
飄飄奇字薄軒轅漠漠間文寄岫嶼吾書晚作乏功用
自詭生天永謝後每從遲鈍抑性情偶得參差試評剖
兩年日力送無盡一事從容難以苟強持此意來作詩
枉近墨池一迴首

湖行書所見

藕芳四檻翠雲遮草靜雙蹊白練斜說與麗人應不省
當年此地可移家

何生

遠疑山黛近疑潮月氣荷馨掩映嬌獨記深欄垂手夜
何生重約暗停橈

畏暑入湖得行嚴京國書却寄

夜氣猶荒曙未明枕樓無際待風生病中千態君能寫
湖外雙眸我最清漫喜校量篋與舸乍應問訊雨還晴
濕雲不散鷗先倦何取烟波狎此盟

次答默菴十五疊山韻示篇並呈貞長



愛看荷花浸綠山竹篔花舸恣飛還一懽儘覺朋儕盛
羣往甯知嘯傲閒會有詩篇供汗漫可曾酒袂記清斑
相逢不悔今來別好語秋從桂樹姍是夕余將去杭貞
長留飯齋中與默

菴同有秋來探
桂澗谿之約

韶九以和天恨一首見示復步原韻答之

少日真長吾近媿遺音正始世無多說歸已分停雲意
得子應尋倚瑟調白馬驚潮思浩渺青山散髮付蹉跎
何時共得攜家去騎背閒看瀲灩波

武昌旅次示浮菴

撼耳秋兵更不聞當年搖櫓逼吳氛長江渺渺來新目

故壘蕭蕭出古文君効伯言殊得學我慚公瑾未能軍
風來亦有東南意坐大何人共一分

題畫

羅浮西去是仙家半枕雲根半枕霞說向野人渾不認
秋風細數水蓮花

齋中讀書二首

獨遊渡渾水讀書常閉戶近乃宅傍城况有家人聚雲
壑既絕想燈簾亦垂嫵夙悲經世心得此養疴古憨兒
漸持杯佃婢嗜修脯新燻出龍焙嘉食荐冰乳興來我
吟哦書際君鼓舞

浮菴近臨子敬行草甚得其妙

兩生如有得一室任



何許囊豐時寄傳籤滿可傾賭想見城南人悠然討雙
譜

結念遊柏林長懷終弗釋晶晶夜燈光切切秋蟲客鉤
沈時未能汲短每見絀篇行窮張羅意會苦尋繹百練
豈爲剛千金良不易平生力行志死友懺悔夕

亡友黃遠庸懺

悔錄粹然忽一通勿使幽靈隔

用知歸子讚

獨歸

寂寂寒陰苦閉春江阡刺眼屬芳塵但令不飲沈長夜
誰信彌天了此身故隱獨歸惟涕淚蒼冥無睽是精神
正愁風雨崩騰夕難訪成連到海濱

題袁家文臣詩後

七十龍鍾雙淚下三千寵愛五朝悲後人能讀彩雲曲
此是先生悟道時
文學峨峨侍從臣後車幸抱望河濱夢中挽國能名節
祈死今年尙有人
不信君家運不開太邱門下有輿臺欲知附鳳攀龍客
會屬閉門覓句才

友人誕日賦此祝之

綠荔銜香桂拂枝坐看滄海變秋姿一堂風月傳觴地
四海朋尊集袂時差喜性情耐陶寫端留鬚髮與矜持



題詞

通河市圖書館